

王強 主編

近代世界史文獻叢編

37



廣陵書社

近代世界史文獻叢編
37



廣陵書社

貴州師範學院內部使用

第三十七册

希臘春秋

王樹楠

著

清光緒三十二年

.....

希臘春秋

貴州师范学院内部使用

希秋

臘八

春卷

光緒丙午
四月刊行

陶廬叢刻二十四

希臘春秋序

西國之史無專書自海島諸國交通以來漸聞異人博
士始網羅西國舊聞廣爲繙譯以餉天下學者於是古
今政學興替醇疵之故始稍稍著明於世余向爲希臘
羅馬春秋二書手稿半散毀不復完具近復重爲蒐輯
成希臘春秋八卷其人名地號則以日本岡本監輔譯
文爲定本而附注其不同者以備閱者考訂烏虜孔子
曰其事則齊桓晉文其文則史余之爲是書也亦竊自
比於魯晉之文焉而已丙午閏四月五日新城王樹枏識
於蘭州道署之澄清堂

希臘春秋卷一

新城王樹枏著

天地開闢以來。建國傳世。歷數累萬。不可巧算。其間創制顯庸。豈無哲君名后。傑出區宇。垂法後世。若堯舜禹湯其人者。然而歷紀荒遠。疊聞罕漫。無史籍傳記昭察於世。諸子百家之書。間述軼說。闕焉不詳。恍怪寡要。故孔子刪書。斷自唐虞。西人述史。斷自希臘。希臘者歐洲之唐虞也。中國言治者。祖述堯舜。憲章文武。歐洲言治者。祖述希臘。憲章羅馬。比物此志也。孔子曰。殷因於夏禮。所損益可知也。周因於殷禮。所損益可知也。故君子

觀其所因。而百世損益之故。可得而言焉。吾嘗譯西籍。採風詩。與其賢士大夫游。希臘之事。率津津樂道之。然上古之蹟。多有不可詳者。烏虜。此與吾人之稱述堯舜禹湯。又奚以異。文獻之無徵久矣。此我孔子所爲慨然於杞宋而長歎也。希臘即希利尼一作額里士一作額力西一作海臘斯一作厄勒祭。一作厄。爲創闢歐洲之始。當時希臘諸國隔山爲界。有勒西亞地方數十里。丁戶數百家者。後人統名希臘。其地值洲南。跨地中海東半島。港汊紛歧。山迴峽遠。北則德沙利。一作塔麗灘一作帖撒力一作代撒利。耶卑路。一作伊西伯魯一作伊派。再北則爲馬其頓地。中長二百十里。魯一作伊貝羅。界哥林多。一作果利朶。分十二大地。南則伯羅奔尼蘇。分七

大地

哥林多以南統曰伯羅奔尼蘇哥林多以上古土

北統曰阿的加馬其頓德沙利不與焉

人居山洞獵野獸食生肉青草有伯刺斯日

一作夏拉斯一作

伯刺斯格在希臘北境族者勢最強後有小亞西亞人

或云名西賽頓

踰海峽始得希臘一土

西書謂希臘出於亞利安族初居裏海東濱及印度國西北後

遷至歐羅巴或移居印度後復有由希臘重返

遷昔西

小亞洲海濱聚族建城而居故亦稱為希臘

恩在希臘唐堯五十五年壬申

西歷紀元前二千八百一十九年

衣基愛

魯

高加索人

擊敗土人築城建國逮虞舜三年辛酉

西元前二千四百

年埃及郁奈那遷希臘名其地曰的丹衆思歸旋散去

久之至夏少康二十年乙丑

西元前一千八百五十六年

迦南人義

納孤

一作枯木一作以乃古

抵希臘教土人營居室講種藝之術

太登爲亂擊平之始建亞革斯

一作阿果斯一作阿勾

希臘沿東海濱

城爲王烏摩上古人類蕃孳莫盛於小

與雅典對岸

亞西亞洲吾意當時天下人民死於洪水之禍者不知

凡幾

創世紀迦勒底古史印度天方諸書及非美二洲土人皆言洪水之事與中國同

獨崑崙

爲東地球之脊當萬國孔道其地最高其受水患亦較少故諸國人民之避其禍者羣相遷徙於葱嶺高原左右水所不到之地久之滋衍生息人溢土狹至不能容又不能不轉之四方爲覓地求生之計此蓋勢之固然余嘗博觀西人古籍見夫巴比倫埃及波斯印度諸國其所爲政治文事及一切衛國養民諸制多與中國同

者中國上古流傳之說。瑣述三皇以來古蹟。率在西方。

通甲開山圖言天皇被黃帝遊赤水登崑崙之邱。定爲

下都。山海經云崑崙之邱是惟帝之下都。帝卽黃帝。故

陵氏女穆天子傳云天子升於崑崙之邱以觀黃其時

文明之化已漸被於小亞洲諸部。高陽修黃帝之業。養

材任地。載時象天。依鬼神修祭祀。帝繫諸書。稱其砥屬

之效。遠暨流沙。山海經云西海之南流沙之濱赤水之

故上古西方諸國多詳鬼神之事。尤其彰彰者。釋典言

瞻部洲中四王。而獨以震旦爲東方人王。其所從來者

遠也。烏虜五帝尙矣。而太史公以百家言黃帝。其文不

雅馴。今西人所爲創世說，乃謂挪亞一人之後，蔓延大

地，而歐羅巴諸族皆出於雅弗之裔。雅弗第四子雅番之族爲希臘土人

之所謂好事者爲之，尤爲薦紳所不道者也。夏帝芬二

十七年甲寅。西元前一千八百七年亞革斯王義納孤卒。西史綱目紀其

卒在西元前一千八百二十一年。福挪尼胡立，設法律條教，海寇爲舟

人患剿滅之，希臘各島民多來附。

夏帝芒二十六年丁酉。西元前一千七百六十四年作祀神典，定禮

拜，禱祝之儀。

夏帝芒三十年辛丑。西元前一千七百六十年阿的加。一作雅水底加

夏帝芒四十三年甲寅。西元前一千七百四十七年亞革斯王福挪

尼胡卒愛比司立

夏帝不降三年辛丑

西元前一千七百年

亞革斯造長城役民夫

數十萬運巨石爲之牆厚二丈五尺長百餘里

自亞革斯以達

彌西

中建永巷通人馬數年始畢工希人呼爲古革羅

伯斯

一作古勒羅斯

邊牆古革羅伯斯者偉丈夫之義也

夏帝不降十九年丁巳

西元前一千六百八十四年

亞革斯王愛比

司卒不辣司古第一立教民食橡子民以爲神

夏帝廬六年甲子

西元前一千六百十七年

亞革斯王丕辣司古第

一卒福而巴立

西史綱目紀在夏帝廬五年

夏帝癸八年己亥

西元前一千五百八十二年

國人採阿翁美石作

居室

希臘古人築屋之立地上法先以木作柱植架以梁作人字形以爲屋頂最後乃易木而爲石故希

地美石

是爲屋宇之始烏虜生人之類惟中國闢化在

先自伏羲一畫開天之後歷代聖人造草昧以經綸天下至黃帝之世治五氣藝五種上察日月星辰下採土石金玉水火材物以供生人之用其時宮室衣服文教之事皆已大備迨夫都崑崙立軒轅之國文明之化始暨海西故巴比倫波斯埃及諸邦建城築壇教服食制文字皆在五帝之時太史公謂教化之盛西至流沙非盡無據以夸其詞也歐洲開化最遲蓋自少昊辛亥洪水之後

椰亞方舟在西元前二千三百四十八年計其時蓋在黃帝之後也地莽人稀小